

大清光緒十七年

本館新聞除禮拜外日出一張諸君賜閱本報者無論本埠外埠均可致本館取閱如外埠閱報加寄費可也除日報照常刊送外復不惜工本從英國採辦鉛書裁紙各樣單件並有英官商印字及各式花邊等延有西人排印工藝精所有中西文字均能刊印並有石版印大小機器均用精工刊

第二千八百八十八號

申報

(號一廿第牌門口氣巴舊在設開館本)

印工絕倫前延有文士書寫各體文字現由上海購到各種新式活字其書目另行刊佈所有各埠其相宜者本館所登來札原擇其有益世道人心者附登石亦須無礙於人而後始錄其有謬誤成文以及支離贅辭者概不登報嗣後諸君來札向所自說更須寫實而後敢登但來稿登與不登均不能將原稿收回也 本館謹白

辛卯五月廿四日

英大一千八百九十一年六月三十號禮拜二 (凡刊印告白第一日每一字一仙第二日以下每字半仙) 每月租銀一元每日每張五仙

新到各種奇書發售 ○啟者本館近由上海姑蘇等處採買各種奇異新書及外國地圖等來叻發售其書或銅板木板鉛板石板均無不有且字畫清晰等尤覺多有叻地未嘗經見者其有益於世道人心者實非鮮淺有非徒快耳目者比茲特以廉價出沽諒亦 諸君子所欲先睹為快者也所有各書目經已另列單張附呈鈞覽閱者鑒焉 本館告白

電一册出售 ○啟者本館有電報簿册出沽字畫分明篇頁井井甚合於商家所用倘 諸君有欲購買者請至本館取閱閱甚相宜特此佈告 本館告白

叻地實為盜藪說

叻中多盜之故本報已屢言之蓋以叻地近來禁地諸會黨徒彼既無以約束之安得不縱其所為以作閭閻之患然則本境之盜已誠足慮加以近來方照野軍門辦積匪稽查甚密彼綠林之客自知犯有罪惡恐不能容於國法故又相率而至叻中是以叻地盜賊之多為向來之所未有蓋羣盜之至有不啻百川匯流而入於海也嗚呼誠如是則盜賊安得而不日多也哉今而細思盜賊之源且有不止於此者姑試舉而略言之夫方軍門之查辦積匪也固不僅在於廣府屬中即汕頭等處以暨各府州縣若有盜踪所在即無不往為搜捕一時不逞之徒咸相震懾若有所聞安得而不遠渡萬里窮追捕此外則如惠州高州各屬水旱之患亦正甚狂猖鄉居之人已屬窮苦異常復遇饑饉之侵安得而不生妄念四方之徒勢不能無試觀近日來叻各輪船中鵝面鳩形蛇頭鼠目之徒不知凡幾叻地既多此輩則閭閻何以能靖良民何以能安且也香港近來方舉行禁賭新章取其律而讀之其嚴密之處實為向來所未有是以萍地諸賭博一時為之肅清前者檳館一項其盛如林今則概行汰除雖有一二家為商人公餘遊樂之所然亦如賭後陳星寥寥無幾此蓋以賭禁既行賭徒無徒插足故不期其絕而自無不絕也夫此等賭徒平日游手好閒惟以賭為生業一旦絕其生路安得而不顧而之他故又紛紛以至叻中此等賭徒大率皆無賴者流其與盜賊相去幾何一旦而適至叻中則又安得而不為閭閻之患也耶或曰華海匪徒出洋者固眾然天下之大何所不容彼既出洋何之不可又何能指其必來叻地則操是說者亦未免過為己甚乎不知否也華人出洋雖圖無之不可然海隅各埠實不若叻地之相宜何也自其遠者言之如新舊金山各地素為繁盛之區華人旅彼多獲鉅金然則似為可矣但其地近來因養雞爭食之故土人憎惡華人恒有毆辱往往無復有人理前之視為樂土者今則不殊死地又焉長途遠適有非易到即盤川之費亦屬不省彼無賴輩何能遠至其地方然就其近者言之如西貢如越南如暹羅如小呂宋如爪哇如南洋羣島均可以一航而至但其地或則尚未大為興旺竟難易或則該處政令酷虐稅餉苛煩如西貢爪哇小呂宋各地方所有入稅貨稅以及一切傢私器物均須納稅而其法網密或有犯者無不示以重懲環顧各區均非善地惟叻地則地大物博生涯既廣政令又復寬宏且其地近而盤費復輕由港南來不過數元之資遂可以登彼岸夫如是則彼無賴輩又安得而不紛至叻中乎是以叻地近來搶劫棍騙拐盜賭博等案層出不窮竊案細按此中之由均莫不由斯而至由此思之則盜匪之來源涓涓不竭將來踵而至者則向不知凡幾然有捕之責者其可不設善法以弭其患也耶

南洋錫況

○茲聞一千八百九十年錫餉報章云西去年內南洋英屬各地所出之錫共計二十三萬七千一百五十八担以此推算已有一萬四千餘噸共值銀一百二十五萬磅之多較諸前年所出之錫已增有一千五百零六担之譜至於產錫各地以堅打地方為最盛計其地去年所出之錫共十三萬零一百八十五担惟所收錫稅較諸前年實減有七萬六千五百六十三元夫產錫既豐而稅項反藉之由實緣近來錫市減色異常價值既低故稅項亦因之而減也

國家醫院報章 ○聞國家醫生西八君所發病故報章云西去年內國家醫院中病故之人較於前歲略為稀少計是年斃於院者共有一萬一千九百三十二人而前年斃於院內者共有一萬三千四百三十三人以此驗之則去歲民病之侵應亦較諸前年為鮮也

久不解日起有功另片奏陳在膠州烟台各海口派樂隊台等語著照所請該衙門知道欽此
英京電報 ○二十日英京發來電報云前相杞公近日又有不豫之占但公以風燭殘年屢召還和故一時縞紵中人莫不代為之憂

懼云

進口貨值報章

○茲閱西本年春季助嶼甲出入口貨價報章稱本年西正月一號起至三月三十一號止凡諸貨物在助嶼甲入口

者共值銀三十六兆八萬零三百九十五元較諸去年春季短絀銀四百五十九萬一千七百五十五元而其所以價值短絀之由緣錫及胡椒樹乳等物概行跌價故此數項所值已少有二十萬之多此外各貨到者亦稀故所值遂較前略遜也至於春季助嶼甲出口之貨共值銀三十四兆八十三萬一千五百四十一元較諸去年春季增銀一百七十萬零八千四百五十六元至其所以增多之由緣石塊魚乾沙藤糖斤等物出口較前為盛故也以上乃據助嶼甲三府總數而言其中計由助入口之貨共值銀二十五兆四十五萬一千二百六十四元由助出口者計值十兆零四十二萬七千三百二十元由助入口者計值四十萬零一千八百一十一元較諸去年春季進口之貨則助甲兩地稍遜於前惟助地則較去年為略盛也而春季助地出口之貨共值銀二十四兆六十八萬八千零一十二元助地出口之貨共值銀九兆七十五萬三千五百五十元助地出口之貨共值銀三十八萬九千九百七十九元此中亦惟助地較諸去年為佳而助甲兩地均較前略遜云

假期已屆 ○前者國家議定本日給假舉行補祝英皇登極辰辰各節均列前報現在假期已屆所有荷署銀行洋行等均停工一日俾盡歡忱合再錄登以供眾覽

香江戶籍 ○香港核計戶口之舉現在業經略核計陸地之華人共約十二萬五千之譜至於水居之人及西國人等則尚未經查確須再寬時始能一律知之也

門醒新談 ○前年有意大利人數名門睡以睡久不醒者勝不意人情好奇無所蔑有既門睡則安可無門醒之事觀與國報所述洵足與之遙遙相對矣據言美國有好奇之人數名均自詡為精神充盈一日相與角賽而所賽之法則與他人有異蓋所賽者係醒而不睡相與坐臥先睡者數能定賽勝者第一名得銀二十元第二名十元第三名五元於是設人輪班監守以視誰勝誰輸於是賽有數日之久諸人均覺精神不繼昏昏睡去惟有一人名屈弗者獨能延至一百五十八點鐘越四十八分之久竟無有能出其右者於是遂獲頭彩初屈弗坐至一百五十八點鐘時精神疲困極然向欲勉強再為支持監者乃誠之云現在諸人已睡君獲全勝可以寢矣否則精神困竭將有癲狂之慮君宜慎之屈弗聞語乃寢按前者已有多人曾經賽此而不睡最久者不過僅得一百四十四點鐘越二十分之久今以屈弗較之向過其十四點鐘有奇詢可謂得未曾有矣不知以此諸人與門睡者相逢其將何以排遣耳

俄人有志 ○俄國所築西卑里亞之路天下無不知之茲聞英京日報云此路為天下工程最鉅因其地綿亘十餘萬里其中有多人跡未通之所費用最巨浩繁前所俄廷已欲招股為之奈無有應者至是始由俄廷毅然自行創造洵可謂有志竟成惟其地在邊疆多屬苦寒耗有之區居民鮮少必須移民以實其地故俄廷屢遣囚徒戍居其地前日復押解犯人及其眷口等一萬五千名前往現其路雖未一律告竣然亦有數處可以通行前者俄太子回都時業已開行此路矣觀此一事則俄人之志夫豈少就而已哉

強易教規 ○俄京遞來信息云有俄國總牧師某現在議有約束猶太教人之法交議院中公議其法甚為苛刻內有一條謂凡屬猶太教內諸人均須一律於禮拜日停工云云按猶太一教向以禮拜六日停工公今并此改之是欲于預教規強移其俗矣由此推之則其法令之苛不可以概見耶

冒騙被獲 ○陳某閩人也生長叻中向在海龍輪船充當華人船主由叻往來麻六甲吉隆等處詎近來陳竟與管理船口之閩人蔡某串同作弊私作假單等事發覺經舟司將其執獲時該船方抵吉隆就近送交隆官審訊判將陳監禁六個月惟蔡則早經遁脫現已請有票據一體查拿矣

會徒遞籍

○近來國家所種同明會黨諸人本報迭經登錄茲悉國家業經核定先將其中五名遞回本籍計開一名林小賊係閩之詔安人向充工部局掃路工役頭人一日林水德亦詔安人向在小坡海南街開設烟館為業一日呂天亦閩人向在小坡鐵巴虱開設雜貨店并承辦囚犯伙食為生一日蔡詰一日陳美均閩籍人向未悉其所操何業此五人均經制軍核定着於廿八日將其押解回華惟有一人

情有不甘自念到叻營生者業有二十四年之久平日素甚安分并未預及他人之事亦未被他人告發一旦遞之回籍情何以堪故延有大狀師南申君與其代表業經有司允之須將此案詳加審訊有無罪過而後再行區處矣

韓江近事

○澄邑蓮臨書院所置之產業雖云不鮮而究之該院中公費外抑亦所存無幾不料邇來佃戶者流多有拖欠租項甚夥而屢催不完以故該院紳董徐君純集眾紳等公議設法催租均擬將官追繳故徐君業將佃戶積欠之從指名控告在案該院於積欠之租斷不至付付東流也

售出酒蜜



烏密酒發售



啟者本行向由英國督辦各
種美酒來叻發售久已遐邇
馳名茲復由英新辦到爾
士斗雲字號之狗頭標烏密
酒到叻應店此酒香美異常
不惟飲之可口且能保養精
神助和血氣常飲令人不生
疾病誠酒國中上品也 諸
君光顧應細看以上所列之
狗頭標庶不致誤且價甚相
宜倘 諸君有欲飲者請
至本行取用可也此佈
大英一千八百八十八年八
月十五號 明嗎也洋行啟

法國頂上蜂標萬蘭池酒出售



啟者茲本公司親由法國督辦頂上
好萬蘭池酒來叻發售其酒清香濃郁
醇厚異常飲之誠可令人長血氣壯筋
骨悅顏色妙美無窮今市上所有萬蘭
池酒無有能出其右者誠佐饌中妙品
也至此酒惟本公司一家沽出餘無別
家出售 諸君光顧請細認蜂標頭
為記並細辨香味方不致誤價甚相宜
倘有劉伶之癖者祈早至 惠臨沽買
是幸
大英一千八百八十八年六月二十號
大清光緒十四年五月十一日
明嗎也公司謹啟

明嗎也公司謹啟

啟者茲本行由歐洲辦到上等密酒來
叻發售其酒甚佳茲將標頭印出 諸
君光顧所為細認免致有誤倘有無恥
之徒假冒本行鎖匙標者本行定必嚴
為控究再此酒不能販往
加勝吧 三寶瓏 泗里末
望加錫 檳榔嶼 日裡等處其
他各埠均能運往並此佈 聞
大英一千八百八十六年十一月十
八號 天 明嗎也洋行謹啟

三品出品




啟者本行督辦歐洲馳名三品洋酒來叻發售
其酒係白頭式發售有年沽飲 諸君莫不
稱其香美奈近有無恥之徒假冒本庄三品酒
款式以圖魚目混珠情殊可恨嗣後 諸君沽
買本行白頭三品酒者請細認本行招牌為
記
有小紙包頭計印字號為據倘有也公司者
始無作若此字樣即係假冒請為細認特此佈
聞 大清光緒十一年十一月初四日
大英一千八百八十五年十二月十九號
明嗎也公司謹啟

馳名鐵櫥發售



嘗思營生之道所最要者則惟儲蓄其次則惟銀兩然必須有以善藏始無意外
此本行鐵櫥所以為 諸君之所共賞也啟者本行所賣之鐵櫥久已馳名於東
方一帶而於叻坡則聲名尤著至本行沽賣此等鐵櫥已有三十年之久其製甚
為堅固保能避火且其匙鑰甚妙斷非盜賊等所能開計其櫥全身均用鐵製無
雜成並以木料且諸櫥自前至今均為一式堅固並無
有優劣之分至於各櫥大小
不一而價值則約一百元至
四百元凡用之者可保其不
礙焚燒即火災亦無所損本
行之鐵櫥實為叻坡華商
所喜購而本行每年所沽亦殊不鮮茲特為之錄佈
諸君有意願者祈即玉臨選購為盼
大英一千八百八十九年十一月廿八號
大清光緒十五年十一月初六日



明嗎也洋行謹啟

RIGAND'S KANAGA WATER.

列爾干那芽花露水 ○此水係以干那芽花所製其花出自日本國中香冠凡卉乃列爾君在日本探辦載回法京製成此水以故其香甚之而其用亦甚善如皮膚有皺裂等病抹此香水固能愈痊尤可解蚊口之毒以此香水和水盥洗固能令人肌膚嫩滑顏色光潤且能驅除不生本藥房製成此種花露水銷流已久遐邇傳揚不料近有德商仿照本藥房所造此水以圖射利其香氣味遠遜隔霄壤 諸尊有願買此水者請看以下所列第一款之西字標本藥房所用製此水之樽係有浮凸字樣如下所列第二款式且有西字註明列爾公司字樣如各埠均有知書號據始為真貨否則係為假冒向祈慎鑒至於各式人等有假冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並請認明商標為要

"KANAGA DEPOSE"

4430.

MORRHUOL.

模好呂解毒保元藥丸 ○此丸端治虛損吐血花柳毒瘡咳嗽哮喘日痛重舌等症其效如神且不惟解毒並能調和營衛保養精神現用法英法各國醫士所用此丸無不藥到病除立見春回若服此丸須仿照魚肝油之法要緩緩吞下必於用飯時吞吞一二粒切勿誤急吞以背法此丸係以精裝每樽計一百粒現託新嘉坡藥房麥加君代售

大英一千八百九十年九月廿八日

SANTAL MIDY.

聖香油藥粒 ○此藥係製成油質以薄皮一重裹作粒形以便易吞而其藥力能治花柳淫毒白濁白帶等症一服即愈如症重者服二三日即見功效後約所患過重者每日吞食六次每次吞食二粒至痊愈為止 茲再將十日用法開列於後 每日吞食此藥時宜戒色幸勿食辛辣等物幸勿自誤致誤藥力之不神也此藥託交新嘉坡藥房麥加君代售此佈

FRUIT JULIEN.

淨律如里葛藥糖 ○此藥係採鮮果之汁加以藥料製成塊略如糖粒氣味甘佳而其功效較於藥糖為速且能驅除男女老幼之病如飲食不潔其味有如糖果最為適口尤為小兒所愛其藥力能治肚痛大便不通以及諸般腸胃之疾亦可治諸般之症如欲知其詳請向本館面商為要 本館謹啟

大英一千八百九十年九月二十號

啟者本行由歐洲辦到各款時錶來叻發售其金銀鋼質等類無不有之計此金錶之價每枚由廿五元至一百五十元銀錶之價則每枚由八元定二十元鋼表之價每枚由三元至十元並有石面時鐘每具價銀六元另有時鐘每具價銀由二元至二元五角又八日鐘之時鐘每具價銀由四元至十元更有各款金器甚多不能備錄諸君合意祈早 玉臨選購是荷此佈

1882 1882



BEHR & CO SINGAPORE Sole Importers for Straits Settlements and Netherland's India

啟者茲本公司由歐洲辦到頂上三品酒甚多來叻發售其味甚美且價亦相宜茲將此酒標式附登報中諸君購而飲之細辨香味方知此言之不謬也特此佈



啟者以上標頭所列之星標萬蘭池酒香味甘濃最相美善飲之不惟不醉且可娛心養顏其益莫能殫述茲本公司特由歐洲辦到來叻發售諸君賜顧祈請認明以上所列標頭為記庶免有誤特此佈聞

輪船常川往來各埠 ○啟者茲有堅固快捷輪船一艘名曰亞尼兒定於每禮拜三在叻啟行一次往麻六甲 烈申坡 吉甯 實蘭莪 直落安申 邦哥 卜為老 檳榔嶼 等處船中一號房位及艙位客位甚佳茲將一號房位價值登錄如左 計由叻往麻六甲收銀四元 列中坡收銀六元 吉甯收銀八元 實蘭莪收銀十一元 直落安申收銀十二元 邦俄收銀十五元 卜為老收銀十八元 檳城收銀二十元如係兩個月內仍由該船回叻則照價減收十八仙之數倘欲知其開行日期及一切詳細情形可至本行詢問便得特此佈聞 大英一千八百九十年五月十四號 莫實德洋行謹啟

驚及好迷

○循環日報云粵省河南王某術擅計然志宗慈幸車服賈遠客他方以是與南邑沙頭李其善杯酒往還時相酬酢道及家世始知李有術將居陸路入幕之歲爰求淑女未訂盟王默念膝下嬌娃亦已年同碧玉雀屏中目未有其人倘得李子坦腹東床於心為慰遂微露其意李喜甚樹蠅鵠以其酌書風韻而聯婚由是兩人之交彌以篤既而六禮已成三星旋賦琴瑟好景無尤一對玉人堪叶好迷之什無何彩雲易散李梓云亡其子某甲無所拘管比之匪人流連花柳之場沉湎博蒲之局資財有限懸懸難填會幾何時而已家產蕩然衣裘盡離則牛衣對泣依然反目無聞聞里之人咸為稱羨日者甲與同類遊行自嘆妙手空空真是瘦骨之術其黨某乙莞爾笑曰子欺我哉家有數白金而不知謀生計日惟得空咄咄作貧態以向人果胡為者甲力辨其誣曰言一身之外並無長物此言胡為乎來乙曰子之床頭人年少而貌都若鬚眉意氣數百朱提意中事矣今不此之圖而甘與紅粉同填溝壑其意何居甲曰吾亦知之但自結縭以來婦無失德兩適露之心實難忍且異日授人口實有何面目復見江東父老乎乙曰子真不知通變達權者矣古人有言妻子如衣服衣服且露何有于妻子子猶兒女情長英雄氣短異日不常君于枯魚之肆者幾希矣盡詳思之甲惑焉遂誑妻謂經父廬往香港傭工奈家中無人照料心殊不安擬挈眷偕行俾易照顧妻允之於初二日同附輪船至港甲即帶至某娼母家訂價一百四十元經收有宗銀數十行將交易矣王有昆弟賈于港中與鴉母認識時時談笑某日適至警見姪女詢悉情由為急覓字甲而巳聞風遁去遂將姪女帶回河南勸人訪甲以便追究有謂甲知事敗難見眷于梓里已投身外洋為傭者未知是否因嗜好而需及妻室此真無賴之尤者矣

營造仙宮

○廣州府屬番禺縣之九龍峰舊為譚仙棲真之所峰巒合抱巖巖幽勝不愧仙窟宜宅相傳譚仙隱居於此即在峰頭超舉土人就地立廟祀之仙靈所祐惠而祈禱無不應如響會書靈迹以聞於上仰沐 恩綸勅封勳濟前者彭剛直公到粵詣九龍峰拈香受其靈境大書天開靈巖四字以預之今春縣城天氣不和人多疾疫城中人虔詣九龍峰迎迓仙靈歸巡城內果占勿藥之喜巡遊既畢暫奉安於縣城南門外之行宮茲聞邑人即以行宮改建廟宇行將永遠祀之想仙靈所被無遠弗屆矣

臺學起程

○代辦臺灣學政臺澎道唐撫卿廉訪按臨臺北各節屢登本報茲悉臺北府科試業於月之初七日一律告竣新進各專及考生之考列一等者均於是日進院各學教習及隨物送委各員趨前恭謁畢各生向上三揖各童三叩首廉訪均離座答揖前詳詳以立學教品相勉勉各生童領取花紅而退午後廉訪携導至城內外拜客各署之役刺請宴者紛紛不絕適飛捷兵輪從上海開回臺北停泊滬尾口內廉訪旋即上院稟辭定於初九日乘坐輪船返臺南凡臺北官場中之欲盡東道而未果者莫不先期改請廉訪均婉言辭之

金山西語

○舊金山西報言向來華客之到是埠者多由華上華商担保上岸而美官往往遷延時日久不審訊茲有合眾國衙門官員名漢頓宣諭於眾謂嗣後凡來有華客隨到隨審不容遲緩亦不准華商將客保出以免作弊等語有華人律師聞漢頓之言以為於向例不合擬稟請臬司決其可否沙加棉杜杜有華人名字照和向以屠宰為業三月下浣不知緣何底事潛吸阿芙蓉膏畢命或曰近日李之境遇所如輒阻阮靈金盡壯士無顏故等性命於鴻毛耳○羅省恩利利有華人黃德因口角細故竟持手鎗向床頭人品聖登即斃命嗣經差拘去監禁候審○加刺寬尼省之美官議有新例凡華人住居其地者皆須領取執照此事本已施行惟是辦理無人是以致遷延時日俟至六月一號然後施行屆期一律到爭倘有違例一經查出或罰銀或監禁禁官辦理

川中苦旱

○有人自川中而至言者據云四川萬縣以上風雨頗調雖得收成亦好惟萬縣以下至夔巴等處自去秋亢旱以至於今田疇龜坼不但前次秋田無水灌漑即大小麥亦將有枯槁之虞米豆價均極昂貴至如宜昌一帶雖屢次得有小雨然土脈仍未滋潤若非大沛甘霖則肥分秋末易生饑饉洋溢也

財神募捐

○蘇城吳縣西首有財神堂一所房屋不過數椽門雖設而常關近有吳某差役某某等數人擬於廟之對面建一毗臺以為酬神之地而苦於經費不敷遂思斂錢之計以為近世人情勢利過甚皆喜錦上添花非得神親親玉趾四出勸募則其款不集爰故神其說散佈於眾以動愚夫愚婦之心擇本月初二金危危日早會製一黃牌曰親臨勸募先期數日街頭巷口遍張路由哄動遠邇屆期而盛其儀從美其車飾莫不鉤心鬥角簇簇生新會所過處沿途觀者如海如潮不知其幾千萬人嗚呼一毗臺之費不過數百金以窮措大而處此固費其難既為財神則雖千百萬之金錢何難一朝而集而乃為此區區之費猶必親出勸募效沿門托鉢者之所為豈財神亦徒擁虛名而內無蕙蕙乎抑放近世守錢虜計較於錙銖而好在窮人身上痛加剝削乎然吾恐此端一開凡冒名收捐斂錢肥己者接踵而起神所得者有限而民所耗者且不一而足也

獎叙給匾

○海軍衙門武功繪圖處在事人員或司繪畫或司繕說不辭勞瘁自應給予獎叙慶節時至是處查閱功課以便分別敘獎茲擬各取方略館恭修方略保獎成案擬將在事出力之委員書手繕錄壽廷至弼謝化南毓彬文輝等六人准照異常勞績各予升階虛銜肩獎叙于大應照尋常勞績或請升銜或請虛銜准予獎一層至專司繪事之畫工給予外獎應由本衙門各給予六品頂戴以昭激勵須隨時繪畫保奏時附片奏獎云

天津炮患 ○蠅蚌即蠅能害禾稼或曰水災之後魚蟹散子於陸便爾滋生如經大雨隨波逐流即歸島有津郡去年被水今歲春末夏初未沾透雨或曰南郡一帶已有蚌蠅暗長潛滋但折津富大水之後現又早乘將成又何堪此害苗之蟲再行萌孽耶安得蒼蒼者天雨我農民使絕不為害也

哲人其萎 ○許星臺方伯開浙省善政及民在任奉調入京行抵通州于五月初四日因病仙遊壽享七十餘歲月之初七日府中已接到訃訃矣

頂受聲明 ○啟者小坡爪亞街第五十七號門牌東成號雜貨生理原係孫水池孫亞奔孫煥等自丁亥年合夥開創歷來有年向無所異今因孫水池孫亞奔兩人志圖別業願將自己名下股份拆出經請公親秉公核算交貨明白即將東成號生理全盤歸與余承嗣後生理盈虧均不干孫水池孫亞奔兩人之事先此聲明以免後論
大清光緒十七年五月二十日 小坡爪亞街東成號孫煥謹白

招承餉碼示 ○大英欽命拿吉里士美蘭參政使司 為招商承充餉碼事照得本轄內所屬各地烟酒賭當各碼均將屆期茲特出示招人接充為此示仰商民人等一體知悉承充此碼以三年為期由西來年正月一號起至一千八百九十四年十二月底止凡有入票承充各碼者可於西九月一號即華七月廿八日以前將票投交本署及掛勝卑參政司署均無不可茲將各碼開列如左 一烟碼係在林及蘭地方沽賣 二烟碼係在淡賓及龜汝地方沽賣 三烟碼係在柔荷及因拿士等處地方沽賣 四烟碼係在羅棉芝地方沽賣以上烟碼若沽生土與諸碼者每粒計銀廿四元莫 五酒碼係在 林堡 淡賓 龜汝 羅棉芝 柔荷 因拿士等處地方開設以上兩條或各地統承或各地分承均無不可 七賭碼及 酒碼係在民難知即如呂模 染堡 打刺芝 干靈 巴沙等處地方開設此碼或統承或分承亦無不可以以上各碼如欲知其詳細情形者可至掛勝卑參政司署或淡賓巡理府署詢問便得至於各票取均由國家主裁不得執價高者得之說各宜踴躍有厚望焉此諭
大英一千八百九十一年六月廿五號 大清光緒十七年五月十九日 示

渣甸火船往檳榔嶼加刺吉打 ○啟者茲本行有渣甸火船名永生現於西本月廿三號即華本月十七日由香港啟行定於西本月廿九號即華本月廿三日抵叻上落客貨畢即展輪往檳榔嶼 加刺吉打 等處 諸君有欲附貨搭客者請至本行面商是荷
大英一千八百九十一年六月廿五號 大清光緒十七年五月十九日 莫實德洋行謹啟

招商承餉示 ○大英欽命新嘉坡輔政使司 為招商承充餉碼事照得現在檳榔嶼及麻六甲各地烟酒兩項餉碼均將屆期茲特招商承充此碼以三年為期係由一千八百九十二年正月一號起算茲將其烟價列登如左 計開檳榔嶼及麻六甲大埠烟價每兩計銀二元二角每錢計銀二角六分 麻六甲大埠烟價每兩計銀二元每錢計銀二角四分 鄉間烟價每兩計銀一元七角每錢計銀一角七分 以上各碼如欲承充者可於西八月十五號即華七月十一日以前將票投交本署或至以上各地之參政司署投遞其票內須列明承餉之人姓名住址作何生理何人具保等項均須詳晰聲明以憑國家選擇不得執價高者得之說其餘一切詳細情形可至本署及各地參政司署詢問便能知悉各宜踴躍毋觀望切切此諭
光緒十七年五月十八日 大英一千八百九十一年六月廿四號 示

聲明告示 ○啟者本公司在叻開創振成字號迄今數十載後開枝遍羅安南兩處火綬作朴白米生理仍號振成棧及戊子年再開枝香港作九八行自兌朴白米并代客發兌什貨及自辦輪船往來生理亦係作振成行字號司事人蔡紫微別字星垣此外各處并無開枝別店亦無附搭字號作振成字號即應兌銀兩皆向洋商銀行交易亦未有專作滙兌銀兩與華人交易也近聞有人開創新字號亦係作振成在汕頭香港粵省等處專為滙兌銀兩生理屢次有人携單至香港本行見單欲為掛號等情實屬胡混令人難分彼此不得不亟為申明俾各埠諸位商富人等知其明晰無使含糊指藉之偽是所厚幸倘有意外之事當知認明經手之人向他追究與本公司及行棧無涉勿謂言之不先也特此佈 聞
大清光緒十七年五月十四日 大英一千八百九十一年六月二十號 新嘉坡振成公司陳金鐘謹啟

胡椒園出售 ○啟者茲有胡椒園一所坐落邦俄路該園所種之椒共一萬九千五百株其樹約植二年至四年之久另有菓子甚多均甚佳美茲欲出售與人如有欲知其詳細情形者可至寶龍岡之智刺牙地方向其司事人詢問或至本洋行詢問亦得特此佈聞
大英一千八百九十一年五月十五號 牙直利洋行謹白

各立門戶 ○啟者余向在索父乙羽因谷狀師處協理一切訟務茲余已出而自立門戶在麻六甲街吉靈分館之隣第二十九號門牌創設寫字樓倘 諸君有就教者請移玉到本寫字樓面商為望
大英一千八百九十一年五月十一號 大清光緒十七年四月初四日 乙羽因老蘭谷狀師謹白

洋貨出售 ○啟者茲本行由歐洲辦到各貨甚多以便 諸君購用茲將各貨略登如左以備採擇為計開 卑呂申及刺因拿密酒 每箱計大樽四十八樽 英國下登密酒每箱計小樽四十八樽 法國三星標萬蘭池酒每箱計十二樽 荷蘭仁酒每箱計十五樽 荷蘭 水每箱計一百樽 意國華勿酒每箱計大樽十二樽 車釐酒及各色美酒每箱或十二樽或廿四樽 美國生菓每箱計廿四罐 各式餅 乾每箱計一百罐 各色洋紗每捆計重四百磅 西國揀選大頭巾每箱計三百捲 花布每箱計一百二十疋 竹布每箱計二百疋 奧 國斜紋布每捆計二十疋 香綢每箱計五十匣 呂宋烟每箱或一百枝或二百枝 并有各項貨物甚多不能備錄且貨皆精美價甚相宜 諸君有欲購用者請 移玉惠臨選沽為盼 大英一千八百九十一年六月十七號 巴直里灣底巴士公司謹啟

購尋失物 ○啟者余於西本月四號即華去月廿六日禮拜一在小東陵之烏節路遺失歐洲所製之赤皮箱一具此箱已經半舊箱 身長約一尺三四寸闊約一尺高約五六寸之闊箱面有耳可以牽挽并寫有西字列明其號箱內係載往來函札及銀匙等件無重物此箱若 係他人檢去并無所用茲特高懸賞格倘 四方君子有檢得此箱者求即送回叻報館東主或交莫實得洋行之買辦人查看無訛即謝花紅 銀五十元决不食言此帖是實 茲并將箱面所書西字列明 J. ENLAYSON. 大英一千八百九十一年五月十五號 大清光緒十七年四月初八日 謹啟

再復聲明 啟者去年冬間本行所代理之歐洲納流因埃宜利美洋行曾在本坡泉堂控告新萬吉號係緣該號所沽不潔酒其所黏貼標 頭字樣及樽頂所用鉛印皆與該洋行所沽之酒無異實屬有心假冒以冀魚目混珠業蒙泉堂允准飭該號嗣後不得復用該 洋行所用標頭字樣以免士商為之誤認不料該號心懷不軌射利希圖而於所沽之不潔酒仍復假冒該洋行之標頭字樣以 故牌之於案於去月二十九日經官提訊實判將該號主人嚴禁示儆是以將此情形復登諸叻報嗣後 諸君有購此酒務 宜細辨至他號之沽此酒者亦不得假冒該洋行標頭字樣倘有違者定必嚴行控究重罰典各宜慎旃勿謂言之不預也此 佈 大英一千八百九十一年四月十八號 光緒十七年三月初十日 納流因埃宜利美公司代理人牙直里洋行謹啟



北慕娘招商承餉示 ○北慕娘輔政使司 為招商承餉事照得本境熬煮烟膏出口沽賣之碼刻欲招人承允此碼以八年為期如 欲畧短其期者亦無不可為此示仰商民人等一體知悉爾等如有欲承斯役者可入票至北慕娘督轅參贊或在叻入交然申洋行稟寄以憑 國家選擇各宜踴躍慎無觀望特諭 大英一千八百九十一年四月十六號 大清光緒十七年三月初八日 示

代理香港火燭保險有限公司告白 ○啟者茲本行已承香港火燭保險有限公司總理人之命在叻與其代理一切火燭保險各事 宜凡叻地諸君有家乘物件等欲買保險者請至本行寫字樓面商一切價甚相宜特此預聞尚希 惠顧 大英一千八百九十一年五月十六號 光緒十六年四月初九日 牙直里洋行謹白

懸賞 立賞格人 苑生號有被李顯鑄李慶吉欠去英銀八萬餘元他乃創有與裕號生理在老爺官邊店中桌椅銅器玩物甚多約值銀千餘 元今移徙他處閱數月諸物十無一二令人無從索解又李慶鑄李慶吉置有金銀器磁器不計其數茲特高懸賞格與 諸君約倘有知其 提出搜出寄領之處或知其有與人暗作生理或明買各公司股份及暗插各項生理股份或買有地段或建有屋宇或將銀項控作他人 名字出借或買有房屋假託別人名號無論在本坡或麻六甲 檳榔嶼 上海 昔仔義 吉靈 日裡 曼畢 那律 柔佛 大小 白蠟 柯勝潤物 仙那蘭 曹勝越 峇株巴葛 勿里洞 汶島 網略 呂宋 泗里末 加勝吧 望加錫 碩埠 巨港 峇 眼 寧內 汝攏 吉雙 那義寺其難 四雅於戎 井里汶 吧叻 而汝武 望加麗 峇釐 寧宜 芙蓉 巴東 亞齊三 寶龍暨各屬州府者祈到本號報明當堂立約字一紙詳細批明以杜複騙而防藉言俟查明確實追回抵償之後願從厚給賞以酬其 勞至遠近各色人等凡有金銀磁銅等器及產業家器寶與李慶鑄李慶吉以及將股份物業代為暗典於人或將金銀磁銅各器代為兌 出均祈前來報知如果証據顯然本號亦當酌給花紅此帖是實決不食言幸勿遲疑是所切盼 苑生公司登芳琳謹白


報知 大清光緒十六年庚寅十二月十二日

華英書籍減價出售 ○啟者鄭容階先生在前奉委出洋歷有年所想其博探方言錄彙自當現回中國粵 憲衙內統理洋務事宜 先生每於公事餘閒將其平日所有著述各書訂校而附之刊印一律告竣有心世務者購而熟讀之不特增廣識見實足以助其才力誠嘉惠 後學之要友也茲將各書目開列如左 計開英學初階每部銀六角 增訂華英字典每部銀五元半 英語彙腋初集每部銀一元半 英 文成語字典每部銀六元半 英語彙腋二集每部銀二元 學習英文歌字部每部銀一角 應酬寶笈每部銀二元 粵城廣報新聞紙每 年銀八元 大清光緒十七年正月廿二日 大英一千八百九十一年三月二號 漢木街南興隆號謹啟

紅頭危仔標萬蘭池酒

啟者本公司有店舖多間欲出稅與人
茲將店舖開列如左 計開大棧一
間坐落甘公廟六甲之廿明街第十號鐵
門牌 店舖二間坐落甘公廟六甲之
橫加街第九號第十號十一號門牌 店舖
一間坐落衣箱街第十七號門牌 大
店屋二間坐落吉靈街第一百十七號第
一百十八號門牌 店舖一間坐落牛
舖車水戲園後街第四十四號門牌 店
舖二間坐落小坡梧槽路第一百零八
號第一百十號門牌以上各舖租價甚
相宜 諸君有欲稅居者請至本公司
實相商便妥此佈聞
光緒十六年十二月初一日
新嘉坡保險公司謹啟

售出櫥



啟者本行所傳之鐵櫥在本坡馳名
已久素蒙 諸君購用無不盛稱其
妙計此櫥之大小共有五等而價錢
最少亦在九十五元以上而此鐵櫥
乃歐洲著名工師所製極為美善本
坡所有西人洋行以及作椒密生
理諸華商多向本行購買以為貯財
之用因本行所沽者均用上等物料
製造而成不惟能壯觀瞻且異常
堅固無論火燒盜劫均保無虞實美
價廉莫此為甚倘諸君有欲購此櫥
以收藏重寶可至本行選閱是幸此
佈 英一千八百九十年正月四號
不殺呼聲公司即前
加珍目至發公司謹啟

不殺呼聲公司即前
加珍目至發公司謹啟

啟者本公司所製之紅頭危仔標萬蘭池酒馳名已久乃在歐
洲名家所製自一千八百一十九年相傳至今已閱七十年之
久而其酒收存有數十年方肯出而沽賣故其熱氣概已全消



所以 諸君沽
飲者均深獎譽
在歐洲一帶各
國之人無不喜
飲此酒因其氣
味清香遠勝於
他酒故也是以
本行特辦此酒
來叻發售自此
酒到叻而後凡
沽飲者無不盛
稱其美且此酒
與本坡天氣甚
屬合宜 諸翁
賜顧祈細心辨
認紅頭庄及以
上所列各標頭
并有來士古乙

正金鐘標萬蘭池酒出售



製造之法
精妙異常
酒味甚清
以之蒸釀
者皆為上
等之料保
無偽充之
弊此酒若
在本坡沽
飲甚屬合
宜且價亦
甚廉 諸
翁沽用須
為留心辨
認以防魚
珠之混因
現在市上假冒者甚多
如以上所黏各標頭無本行不殺呼聲華字者即為假貨幸勿為之
購買本行有厚望焉
大英一千八百八十九年十二月三號
不殺呼聲公司即前加珍參洋行謹啟

拿模只公司等西字為憑庶免為珠目之混是所切禱
大英一千八百八十九年 拾二月三號
不殺呼聲公司即前加珍參洋行謹啟

不殺呼聲公司即前加珍參洋行謹啟

緬甸民數 ○緬甸核計戶口之事現在亦經核定計緬甸上游各地之民共約二百五十萬人之譜而下游一帶之民則有三百七十萬之多以此較諸十年前所核之民已增有七十萬人之衆矣

民生可惡 ○茲閱倫敦日報載有英法兩京民生册籍據云法京之衆約共二百七十萬人其中游惰無業者計約十五萬人而計之約十八人中即有無業之民一名至於英京則三十人中僅得無業者一名然則以法較英則英尚爲略勝也

金幣開談 ○英國各地向來通用金磅流行市上交易往來惟日夕用於市中積日既久遂不能無磨滅之處茲聞英京日報謂市上所用之金磅計每百萬磅之金每年間必耗有四百磅之譜積少成多則其數亦有甚鉅者也由此推之則天下各國所用之金銀年中磨滅者亦豈鮮也哉

紐約民數 ○紐約邇來信息云西去年內該處會舉行計人之典現在業已核定計紐約一埠居民男女共有一百五十一萬三千五百零一名口而十年前該處之衆僅得一百二十萬零六千二百九十九人然則以今日之民較諸十年前前已多有三十餘萬之譜矣

西貢近聞 ○西貢云本月二十四號西貢來信言有貨艇一艘刺運普樂士火船之貨於本月十九號被稅關拘留因所載貨物中有茶罐多具滿貯烟膏被關役查出故拘之也聞此次貨艇被獲之貨所值不啻除烟之外尚有絲綢等貨值銀約二萬五千元之譜云

銀行近信 ○前錄小呂宋上海銀行被該華官員越取鉅款一案昨聞香港上海銀行接小呂宋來信言此事已調停就緒聞小呂宋泉司因當日准派差役將銀款收現率西班牙廷諭着其停辦公事而上海銀行已再電稟英國外部大臣求速賜辦理前請照會西班牙朝廷早爲酌奪又聞西京之人多謂此事辦理不善輕將小呂宋泉司撤委另行簡員補充而該銀行之案當可於日開下事矣

罪犯思逞 ○日本來信言西歷五月十一號有汶文羅馬刺路輪船載有罪犯多名發充別處中途途見有犯童涕泣謂各犯任意凌虐並有各犯同謀機密之事旋有一犯將各犯謀刺情形據實告訴該船司舟及司事司吏人等一聞此信無不嚴爲防備已將鎖機器水管如有變故即可引水灌入大艙各犯知事洩難成不敢蠢動其後該司舟將首謀之兩人帶至船面詰問兩人將實事說出言欲殺斃看更人及司舟水手然後將船劫去倘非事機早洩則不知作何景狀亦驗矣哉

江西警信 ○上海邇來信息云初六日江西省吳城鎮忽有匪徒作亂焚燬天主耶穌各教堂房屋大姑塘匪人亦從而煽禍官吏督兵彈壓不料兵竟反戈相向與官吏爲難來函止此並未言及其事起于何時然而時事艱危即此已可概見矣按吳城鎮爲南昌府新建縣所轄鎮上駐有主簿一員大姑塘爲九江府德化縣所轄設有巡檢衙門云

藥局失慎 ○金陵機器局旁另有火藥局逐日所製成者即貯於此其間磚墻堅固非常且以洋鐵代瓦蓋慮火藥或有漏炸牆壁堅固不致震動鐵蓋則不致延燃其計可稱周密而局中各工匠亦復小心翼翼謹慎提防前日不知如何火藥猝發一匠人適在其旁鬚眉焚盡面目皆焦不逾時而告歸屋上洋鐵早被藥力衝去幸此處離總儲彈庫處較遠得免巨災然當轟炸時突然一聲震驚數里火性之烈如是可不懼哉可不慎哉

車傷女孩 ○客人謝亞水向偕其婦寓於新興街業生一女年甫四齡於二十二日該女獨嬉門前自墮其天未幾遂墮於路詎有閱御某甲驅有馬車突其來如該孩不知避道而甲又不緊勒其馬竟被該車將孩摧倒輾傷其背殊覺深重後爲家人察覺即抱該孩歸家設法調治時謝與傭役等以甲珠屬不細故尾而追之及於梧槽始執於甲欲逮於案不料爲車中人所阻着謝須當記御號數而請票拘逮不得暫阻其車以誤厥事謝以其言殊亦有理乃釋之去至於謝之請票與否刻尚未得而知惟該孩所傷過重曾否有性命之虞亦未得而悉云

奸差被革 ○某甲穆拉油人向在竹脚捕房充當五號二畫列等差於二十二日忽爲西憲察甲所行乃知前有應誓之愆因即嚴爲斥革以儆效尤

驗屍斃埋 ○王碼金向在距石籠岡律大英里半之山間闢園植菓爲生於前數日王適緣木摘菓乃因立足不牢致墜於下殊覺重傷乃即自投篤生醫院請爲調治詎所傷過重藥石無靈至廿三日溘然長逝後經該院諸人代爲報案請驗旋經驗屍官如君等接屍剖驗判謂王係緣傷致斃並無別情登即飭屍棺殮完案

幾兆焚如 ○軟禮葡萄酒牙人以補爐爲業向偕其弟與數友人在附近竹脚地方稅室而居於廿二夜軟與諸人均皆就寢迨至運漏將殘軟適由夢境乍回欲起還溺方揭其帳竟被該帳拂倒床前桌上之燈因將火水瀉出其火驟燃以致凶兆焚如軟即疾聲呼救其弟與友各即驚起合力撲之而火始滅然於軟之床上帳褥等件均爲祝融吞收拾而去惟尚未成災抑亦幸矣

償洋了事 ○閩人郭亞香係以驅牛車爲業於廿二日有吉寧人某甲僱其車至廿廿公芒古魯四十三號門牌擬欲運載牛乳袋以赴他處時郭驅車停於門前以落厥袋不料其袋捆縛過重欲上於車忽被捆袋傾壓以致壓斃一牛郭乃索甲賠償而甲亦自知理短因即補同英銀三十元而事始寢